

紫房洞耀 泥丸安寧 百關備仙  
五華飛冥 雲飈流逸 八景浮清  
併羽大帝 携帶寒庭 沉殃天津  
絕滅胞莖 七世累玄 解結南庭

太微玉清帝君祝曰

冤生九炁 炁變成神 五老纏會 太一化仙  
二十四真 徊形帝先 九曲下戶 鎮生白雲  
黃庭六府 含養命根 胎結胞樹 種栽死山  
一得拘制 受斷滅源 符藉清明 金映玉軒  
長為德伯 世得道恩 昇登日月 遂友帝先


畢乃口微祝曰

天上內音 保解乘 結六庭  
地上外音 生雙門 入仙胎

大洞白素右元君消魔玉符

訣曰當青書黃繒佩之存呼右元君內諱  
名字鎮我下關之境使三真固冤九靈制  
魄萬神總歸安鎮室宅七祖解散名言仙  
籍乃叩齒三通咽液三過

上清大洞真經卷之四



正一天師清微弟子 洪百堅 製作  
道教學術資訊網站

上清大洞真經卷之五

茅山上清三十八代宗師蔣宗瑛校勘

荒九

太一上元禁君道經第二十五

日中司命章

謹請日中司命接生君字道靈常守兆左手

通真之戶死炁之門使四大正明玉華保真  
魔炁滅絕生神固靈七祖解脫冤魄更生

真思日中司命接生君真炁三華之色罩  
於頂上乃默呪曰

四大乘天 天元來歸 三華吐曜 司命景飛  
為我招仙 七祖散闕 上登太虛 日月同暉



次思三華之炁從兆泥丸中入兆乃口吸  
神雲咽津三過結作一神狀如太陽星手  
執太陽下入絳宮入左膀胱入玉莖中入  
尾閭穴上入第一椎穿泥丸左目頰腮內  
入肩入臂髓內過入左手通真之戶順時

吐息

誦玉經

大洞玉經曰

太一上元 五種安城

七轉三徊

攝鬼命靈

五嶽真人

奉符執經

除落死籍

刻金書生

大帝有教

營衛紫房

九真備守

五老保關

三官司命

促對帝言

七世絕災

玄葉無德

種福空同

散結旣根

高上消魔王清王祝曰

太一務猷

傳召北司

玄一老子

握節往來

元素把符

白元守雌

煥然晨光明

披霞昇帝壙

列坐震靈席

混合五日房

白炁育上生

青君案延昌

左攜精上門

右抱合和嬰

我生日月華

友賓赤炁王

八景照泥丸

朗然洞房中

嬰兒為赤子

混離生玉容

五道秀金華

位為上清公

七祖斷玄滯

身得衆神風

徘徊三清上

和樂反嬰童

畢乃口微祝曰

天上內音

丹明昌

左帝授


地上外音 無常子 得大明

將車梁

大洞日中司命授生君消魔王符

訣曰當朱書青緇佩之存呼司命內諱名

字鎮我左手之戶乃叩齒三通咽液三通



元靈黃房真晨君道經第二十六

月中桃君章

謹請月中桃君名方盈字遠梁常守兆右手

通真之戶死炁之門使兆四運通明三神固

精保鎮萬炁與神長寧


真思月中桃君方盈真炁月暉之色罩於

頂上乃默祝曰

元靈黃房內 月君號方盈 左宴朱嶺臺

右携仙皇庭 寢景三秀房 結我始生神

同飛入玄玄 七祖反華嬰



次思月暉之炁從兆泥丸中入兆乃口吸  
神雲咽津三通結作一神狀如太陰星手  
執太陰下布絳宮入右膀胱入玉莖中入  
尾閭穴上入第一椎穿泥丸入右目頰腮  
內入肩入臂髓內過入右手通真之戶順

時吐息

誦玉經

大洞玉經曰

元靈黃房內 中有黃室童 左有堅玉君

右有帝昌皇 浮清翳晨炁 蔚蔚虛靈容

青肝明輪子 開朗徹八牕 太一疇丘蘭

奉符入玉宮 拔我七世罪 迴元期五通

混合帝一室 五老變孩童

太上晨景玉清王祝曰

九元鎮真 五老纏綿 日月中王 與兆為親


太混三五 離落魄毫 百節金映 玉液回神  
 五府生華 白蒸運烟 充溢三清 紫房寶津  
 上開仙戶 下塞死門 令我羽籍 玉帝之前  
 七祖父母 反生南軒 虎服攝魔 龍旌命神  
 太一錦旄 招東三官 除滅死籍 判名玉真  
 保生太上 日月同年

畢乃口微祝曰

天上內音 變世炁 三道連  
 地上外音 理命非 幸連劫

太洞月中挑君方盈消魔王符

訣曰當朱書青繒佩之存呼挑君內諱名  
 字鎮我右手通真之戶乃叩齒三通咽液  
 三過



太極主四真人元君道經第二十七

左目童子章

謹請左目童子名飛靈字陽光常守兆左目

死炁之門使兆陽生於內清潔於外二炁交  
 通四朗八會徹見無方萬神自恭

真思左目童子飛靈真炁日華之色罩於  
 頂上乃默呪曰

四極大靈 元君精瑛 日華充溢 童明流光

二景相照 通我明梁 三丹啓真 我道開張

翠羽羅裙 飛上玉京



次思日之華光從兆泥丸中入兆乃口吸

神雲咽津三過結作一神狀如太陽星手

執日光下布絳宮穿玉莖中入尾間穴入

脊髓上入第一椎穿泥丸入左瞳人內搖

睛七過不得動右睛順時吐息

誦玉經

大洞玉經曰

太極主四真 凌羽逸上清 七轉召司命

太一揚威明 司錄促諸位 三舉登震靈  
 魔王來受事 仙官東鬼精 日中青帝母  
 號曰芬艷嬰 太張上五符 安來上玉名  
 混化六合內 洞房列火兵 去兆死籍  
 名遷玉門 帝一保身 五老衛神

上登太明 金輪霄玄

太上高晨玉清王祝曰

我乘混合炁 纏固九真丘 養光太昌子

駢羅凝羽珠 九尊衆帝生 洞景徇須臾

七祖結解散 穢積忽已除 世世生福昌

玄玄獲仙書 身昇太霞宮 控龍宴玉虛

上朝上清皇 寢興幸正扶


畢乃口微祝曰

天上內音 登來張 乘法護

地上外音 靈壽臺 宜生人

大洞左目童子飛靈消魔王符

訣曰當朱書黃繒佩之存呼童子內諱名  
 字鎮我左目之瞳乃叩齒七通咽液七過





四斗中真七晨散華君道經第二十八

右目童子章

謹請右目童子名晨嬰字陰精常守北右目  
死炁之門使陰映內朗陽觀外明三晨同煥  
徹見玉清

真思右目童子晨嬰真炁月華之色罩於  
頂上乃默呪曰

七晨飛華 華散三光 混合成真 上招月冕  
為我降靈 啟我仙門 七祖同飛 上朝帝君



次思月之華光從兆泥丸中入兆乃口吸  
神雲咽津三過結作一神狀如太陰星手  
執月光下布絳宮穿玉莖中入尾間穴入

脊髓上入第一椎穿泥丸過入右瞳人內  
搖睛七過不得動左睛順時吐息

誦玉經

大洞玉經曰

斗中四真人

散華玉清臺

帝卿仲玄生

一徧眾真來

香風扇三寶

五藏映青爽

天帝奏仙

拔擢七玄

種死成樹

沉絕胞根

太一揮風

號曰寄頻

斷絕血穢

斬伐注烟

白帝西華

為我北神

高上神霄玉清王祝曰

三素牢張上

老君神生道

固我魄逸遊

保兆六合腦

憂苦沒曲門

死炁閉地下

身與帝一君

併襟樂六府

鑑心丹玄房

熙炁泥丸野

體耀金暉

羽錄召真

白炁重鬱

百神光鮮

長與日月

符籙纏綿

世保道德

永為天仙

寂寂內注

遂升帝晨

畢乃口微祝曰

天上內音 絳曲玄 鏡重車


地上外音 長濟樂 脫憂苦

大洞右目童子晨嬰消魔玉符

訣曰當青書黃縉佩之存呼童子內諱名

字鎮我右目之瞳乃叩齒三通次咽液三

過



晨中皇景元君道經第二十九

肺部童子章

謹請肺部童子名素明字無映常守北肺部  
之下五關死炁之門使玄暉充徹華蓋上精  
神室有光五關太明萬魔不入百神受靈  
真思肺部童子素明真炁五關輝光罩於

頂上乃默呪曰

童子素明 黃雲九纏 滄臺飛輪 三神協真

誓玄上景 列位高王賓 總攝命百神 携我紫烟







次思暉光從泥丸中入兆乃口吸神雲  
咽津五過結作五神狀如孩童下布五藏  
上充華蓋入鼻凹五色神雲分入兩目左  
三右二搖睛九過順時吐息

誦玉經

大洞玉經曰

晨中黃景炁 三秀登霄庭 滄臺飛羽輪  
迎延道已成 司命奉帝書 號為玄度卿  
保生太霞宮 列賓館上清 命門合精延  
守我身黃寧 左攜元素君 右攝朱鬱靈  
高上消魔王清王祝曰  
二老在左右方 帝魂奇不分 三九變其上下  
太一立其中根 五神養我生籍 司命塞我死門  
九宮合而為一 六合總而內真 世獲仙書

福慶纏綿 五老對席 日月為親  
太一來迎 上昇帝晨 七祖滯血  
皆為拔根 反胎南宮 受生帝軒  
兆宴玉堂 同襟帝輪 世世列圖  
羽服揚旖 子子保昌 慶及後玄  
長為仙伯 役使萬神


畢乃口微祝曰

天上內音 總命本 登龍津

地上外音 玄劫會 萬履阿

大洞肺中童子素明消魔王符

訣曰當朱書黃縉佩之存呼童子內諱名  
字鎮我肺部之戶神安室府魔炁滅喪乃  
叩齒三通次咽液三過



金闕後聖太平李真天帝上景君道經第  
三十

胎中白炁君章

謹請胎中一元白炁君務玄子字育上生太  
一精鬼玄歸子字盛昌共守兆五藏之上結  
喉本戶死炁之門使三華之炁入帝一之府  
九明之津生六胎之下九玄散既七祖解結  
身登玉堂位列太一

真思胎中一元白炁君務玄子太一精鬼

玄歸子真炁三華之色單於頂上乃默呪

曰

金闕煥玉清 白炁映丹霞 明光鬱金靈

五色吐三華 流津宴寢堂 結我始生芽

五符召百神 威章傲萬魔 保此億劫仙

道明無凶邪



次思三華之炁從泥丸中入兆乃口吸

神雲咽津三過結作三神白炁君白炁君  
二神侍立下布結喉之本戶順時吐息

誦玉經

大洞玉經曰

金闕上景炁 十方輝紫烟 三命太一帝

五召太平神 七轉招歡真 玉符告三官

拔籍三靈下 受生高上晨 太帝八靈王

一化回慶玄 桃君守六合 勒精衛泥丸

震靈攝魔 三舉登壇 所召促到

混雜對陳 無令上帝 告察凶奸

太上消魔王清王祝曰

天生八炁 迴合帝鄉 五神奉符 司命扶將

拔斷死籍 靈穢幽冥 七世解結 延福玉庭

血積沉沒 三素煥清 此昇天堂 與帝合靈

世得仙契 所感必成 種年日中 植命月庭


反胎童蒙 目為孩嬰 生與天同 壽與日并

畢乃口微祝曰

天上內音 暉延勒 得日賢

地上外音 籍會元 帝符子  
大洞胎中一元白炁君消魔王符

訣曰當朱書黃縑佩之存呼白炁君內諱  
名字鎮我五藏之上七祖解釋消結滅罪  
乃叩齒二通次咽液二過



太虛後聖元景彭室真君道經第三十一

結中青炁君章

謹請結中青炁君案延昌字合和嬰元君精

寬保谷童字明夫共守此五藏之下大胃上

口死炁之門使金液流布玉華映魂神飴溢

於窮腸帝炁充於九關釋七祖於玄幽更受

胎於南仙上葉解結下胞脫根

真思結中青炁君案延昌元君精寬保谷

童真炁玉華之色罩於頂上乃默祝曰

離合九靈 二真幽密 太虛重天 上攜太一

雌雄混合 同仙妙室 上變九仙 下解胞結

七祖慶忻 五苦解脫 使我飛騰 靈化本質



次思玉華從此泥丸中入兆乃口吸神雲  
咽津三過結作三神一神青衣二神侍立  
下布五藏之下大胃上口順時吐息

誦玉經

太洞玉經曰

太虛空無景 霞中有彭室 九云合重扉

帝君靜幽密 八真合景君 上心女太乙

雌雄混玉房 九變還得七 分形散六合

泥丸易分別 脾神養光 肺神梁南

書我五符 刊玉刻金 生華日茂

死炁月沉 拔尸於胃 受真於心

既害冥散 七祖樂欽

高上神霄玉清王祝曰

種福九天外 拔尸地門下 七玄解滯積

斷樹除憂苦 反胎朱火宮 更生九玄戶


真炁日臻 既害日日除 兆昇三清堂  
乘廳上景庭 命與月母俱 年隨日帝生  
累世係仙籍 巨老更童嬰 福昇六合內  
受圖永長生

畢乃口微祝曰

天上內音 乘元輪 入幽宗  
地上外音 禍車滅 養無景

大洞結中青炁君消魔王符

訣曰當朱書赤繒佩之存呼青炁君內諱  
名字鎮我五藏之下使玉華映覓七祖受  
生南仙乃叩齒三通次咽液二過



大玄都九炁丈人主仙君道經第三十二

節中黑炁君章

謹請節中黑炁君越來生字精上門帝真精  
覓幽臺生字觀上生共守兆九腸之口伏梁  
之下戶死炁之門使太玄之炁布散腸內太

一之神徇行百節今兆體有金光面有玉澤  
七祖父母得解冥罪累業之先世世解結上  
生帝房入保躋室

真思節中黑炁君越來生帝真精覓幽臺  
生真炁玉光之色罩於頂上乃默祝曰

太玄何寥寥 黑炁生上靈 帝真洞明景  
九炁合神虛 變化咄嗟頃 倏忽肇明初  
萬真鍊我仙 百關自靖居 七玄斷胞樹  
九曾登福墟 上招景中子 與我登雲與



次思玉光從兆泥丸中入兆乃口吸神雲  
咽津二過結作二神黑袞冕下布九腸之  
口伏梁之下戶順時吐息

誦玉經

大洞玉經曰

太玄九炁上 烟迴太暉間 神光秀空峯  
五道煥三天 駕景登絕霄 乘風蕩滯神  
中一日運珠 理心入清閑 混合三五宮  
累變億萬千 伐絕胞樹生 四斷血尸根  
七祖散積結 反華黑幽玄

高上神霄王清王祝曰

帝覓照無阿 常鎮兆生門 伏尸滅落  
保魄穿覓 玄母回光 奉帝玉仙  
右命太一 乃及兆身 北宴上清  
列為玉賓 命生日華 年合月烟  
長躋金房 晨景為隣 除憂伏胃門  
拔苦三途中 福積丹玄內 慶充泥丸房  
百神混帝一 大慶流回風 反兆朽艾形  
改貌為嬰童 世世入仙臺 玄玄登羽宮  
大劫雖屢傾 與日方增崇


畢乃口微祝曰

天上內音 無阿累 奉神冲  
地上外音 見玉賓 拔樂塗

大洞節中黑炁君消魔王符

訣曰當黑書青繒佩之存呼黑炁君內諱

名字鎮我九腸之口使太上之炁充散九府太一真神迴行關戶玉光生體保生玄母七玄受慶反形幽腐乃叩齒五通次咽液五過



洞清八景九玄老君道經第三十三

胞中黃炁君章

謹請胞中黃炁君祖明車字神無極天帝精  
 蒐理維藏字法運珠共守兆小腹之內二孔  
 之本戶死炁之門使日月之根生於二戶之  
 下五帝之炁充於極陰之宮精華盈滿玉液  
 填溢七世之父母反胎宿對之殃蒐解結上  
 生南宮神仙受炁  
 真思胎中黃炁君祖明車天帝精蒐理維  
 藏真炁黃雲之色罩於頂上乃默呪曰  
 上清曜玄臺 八景乘天紀 黃炁協神真

稽覓對帝子 太一度命籍 五符固不死  
 携仙帶展暉 徊風反形始 拔苦出七祖  
 同歡九玄裏



次思黃雲從兆泥丸中入兆乃口吸神雲  
 咽津二過結作二神黃象冕下布小腹之  
 內二孔之本順時吐息  
 誦玉經


大洞玉經曰 八皇運九天  
 上清絕霞外 晨登大老寢  
 携此景中人 夕宴金華使  
 羽節命太一 錦旗招萬神  
 伐滅胞樹根 解結生七祖  
 赤帝丹靈峙 扶兆入玉門  
 守閉死炁門 月無靈素蘭  
 太上消魔玉清王祝曰

白雲合神景 乘素會太微 上朝帝一室  
 解帶皇一階 啓明金門中 三陽召上歸  
 昇我身內神 覆蓋太明威 太賢九華  
 光映兆形 召雲混真 散香要靈  
 月中反胎 日中受生 年俾曜景  
 命遂無傾 身為仙王 保此玉清  
 世受真書 玄華玉庭  
 畢乃口微祝曰

天上內音 映遂劫 度連絕  
 地上外音 濟寒熱 得全炁

大洞胞中黃炁君消魔玉符

訣曰當黃書白繒佩之存呼黃炁君內諱  
 名字鎮我小腹之內二孔之本七玄之祖  
 上升帝室乃叩齒三通咽液三過



東華方諸宮高晨師王保王青童君道經



第三十四

血中赤炁君章

謹請血中赤炁君混離子字叔寶堅司命精  
 寬發紐子字慶玄共守兆百關之穴絕節之  
 下死炁之門使五帝之液盈於六府九靈之  
 潤充於血肉絕節不空地門填塞七祖結散  
 更生南極兆得玉仙合道保德

真思血中赤炁君混離子司命精寬發紐  
 子真炁赤雲之色罩於頂上乃默呪曰

晨景煥東霞 丹景映高深 二真協神宗  
 落落七華生 五老飛帝席 太一保童嬰  
 錦雲曜幽夜 朗朗開重冥 七祖勒符籍  
 南極受胎靈 高晨跨雲輿 運我昇飛軒  
 拔解億世基 同歡萬劫程



次思赤雲從兆泥丸中入兆乃口吸神雲  
 咽津七過結作七神下入絳宮六神狀如  
 力士分左右各三下布兩脚絕骨之戶一  
 神狀如赤帝下入尾閭穴上穿泥丸充入  
 髮際之戶順時吐息

誦玉經

大洞玉經曰

東華發始暉

高晨映上清

煥洞圓珠蔚

朗朗紫曜明

七神回帝席

五老飛玉軒

太一景中立

司命攝萬精

沉然雲波間

寂眇泥丸城

七轉召三官

北君啓首靈

五嶽應炁到

拔死書長生

三舉震文符

玄解大魔精

七祖散血結

玄華保黃寧

高上消魔王清王祝曰

五道混回

七門始分

南和建節

靈標理魄

會昌護神

奉符登霄

定錄瓊禮

世為天仙

三塗塞絕

死炁沉零

禍輪無連

福臻重枝

慶會華玄

多言玉堂內 世為道德門


畢乃口微祝曰

天上內音 觀軒寢 明宵鬱

地上外音 三生連 虛無中

大洞血中赤炁君消魔王符

訣曰當朱書黃縑佩之存呼赤炁君內諱  
 名字鎮我百關之穴使靈液盈充玉澤流  
 溢死炁斷絕神固孔節七祖各散宿根咸  
 滅乃叩齒三通次咽液三過



上清大洞真經卷之五